

SOL DI PUEBLO

BRIYANDO FUERTE • TRECIENDO CLARIDAD

STAATSSECRETARIS ERIC VAN DER BURG TA UN COBARDE

► A NENGA PA **CONTESTA**
PREGUNTA RIBA HOFA



**HOMBER CONDENA PA
TIRA RIBA HENDE Y HASTA
ASESINATO, ATROBE DILANTI
HUES PA MENAZA CU MORTO
Y POSESION DI ARMANAN DI
CANDELA**



ARUBA BANK TA ORGUYOSO DI A SOSTENE CU EXITO UN COMPETENCIA DI BMX Y BALANCE BIKE ORGANISA PA PEDAL WARRIORS BMX RACING TEAM



Oranjestad – 05 di juni 2026 - Aruba Bank ta orguyoso di a sostene Competencia di BMX y Balance Bike organisa pa Pedal Warriors BMX Racing Team riba 30 di mei 2026 na Parke Curason, Jaburibari.

E evento a reuni participante di edad entre 2 te 53 aña y a muestra con deporte por contribui na disciplina, trabou den ekipo, un bida saludabel y desaroyo di nos comunidad.

Como un institucion

comprometi cu Aruba, Aruba Bank ta honra di contribui na iniciativanan cu ta stimula hubentud, deporte y participacion activo den comunidad.

Nos ta felicita tur participante, organisadornan, boluntarionan y famianan cu a yuda haci e evento un gran exito.

Aruba Bank ta sigui comprometi pa sosten proyecto y evento cu ta fortalece nos comunidad y inspira generacionnan futuro.



TUMA ACCION PA PREVENI, PROTEHA Y STOP DENGUE CON NOS POR STOP DENGUE?



ERIC VAN DER BURG TA UN COBARDE! E'LA NENGA DI CONTESTA PREGUNTANAN DI FRACCION MEP RIBA HOFA

Fraccion di MEP na Hulanda: No a contesta riba HOFA!

Staatssecretaris di Hulanda Eric van der Burg ta un cobarde

Delegacion di Aruba ta almomento na Den Haag Hulanda pa atende reunionnan di IPKO esta Interparlementair Koninkrijksoverleg unda Parlamentonan di Aruba-Curacao-St Maarten y Hulanda ta reuni cu otro riba varios temanan di interes comun. Na final di cada reunion lo firma un lista di acuerdo y palabracionnan hasi conosi como e "afsprakenlijst".

Un encuentro tras di porta sera cu Eric van der Burg:

Parlamentario Endy Croes di Fraccion di MEP ta considera Eric van der Burg e actual staatssecretaris un Hulandes cobarde y lo splika esaki. Tur reunionnan di IPKO tabata uno publico cual a wordo transmiti enbibo riba plataformanan di Tweede Kamer.

Diasabra ultimo reunionnan a continua desde mainta den Tweede Kamer. Lamentablemente tras di merdia pa ta exacto 330pm ora tabata riba agenda un encuentro cu staatssecretaris Eric van der Burg a cambia e "setting" pa uno informativo mas aun tras di porta sera cual no tabata tin mag di wordo transmiti. Pior ainda Eric van der Burg a bin conta storianan bunita di su bishitanan na Aruba-Corsou-St Maarten y a bin cu un moderador di Eerste Kamer cu un show y preguntanan pre-design pa su persona. Dado momento tanto Tevreden- Rocco



Tjon y mi persona a cuminsa lansa preguntanan fuerte riba HOFA cual e no a cay den bon tera y tampoko por a wordo contesta. Alabes Eric a pidi pa Aruba "stop" di hasi Americanonan rico cu e interesnan cu Aruba ta paga na merca. Mesora nos a wordo pidi pa e moderador pa no hasi pregunta mas riba HOFA como cu e seccion ey ta uno informativo y no un debate mucho menos riba HOFA. E sala den su totalidad a keda babuca.

Parlamentario Endy Croes a pidi Hulanda pa mira nan mes den spiel:

Croes a baha fuerte riba staatssecretaris Eric van der Burg puntrando con por ta posibel cu Eric ta keda bisa cada ves cu nos ta "vier gelijke zusters" pero ta trata Aruba diferente. Kiko Eric ta pensa cu Hulanda den pandemia a duna Aruba un strafrente di 6.9%

na interes mientras cu Corsou y St Maarten a wordo bendiciona cu interesnan mucho mas abou.

Kiko Eric por contesta alrespecto cu pa Corsou y St Maarten Hulanda a paga (1.8 milard Euro) 4 mil miyon florin di nan debe di pais pa nan a acepta Rijkswet mientras ta pusha Aruba den Rijkswet sin "come across" cu nada.

Croes a bisa tambe den sala cu Aruba no ta pidiendo tampoco pa Hulanda paga su debe, nos ta orguyoso y nos mes ta paga nos debe pero si kier un trato igual riba e interes mas abou sin cu esaki mester ta den un bachi di Rijkswet.

Mesora a puntra e mandatario con por ta posibel cu Hulanda ta dunando tur aña 6.2 milard Euro na ontwikkelingshulp na pais nan pafor di Reino como gift (cadeau).

Con por ta posibel cu Hulanda a aporta cu 18 milard Euro den fondonan di EU di cual e plaka aki a bay como "covid gift" (regalado) pa entre otro Italia-Spanja-Francia sin ningun condicion.

Croes a termina puntrando Eric dicon Aruba mester wordo trata asina.

Eric van der Burg No a contesta ningun pregunta y a sigui mesora riba otro topico.

Pesey Parlamentario Endy Croes di fraccion di MEP ta considera staatssecretaris Eric van der Burg como un Hulandes hopi cobarde.

Esaki realmente ta e trato igual cu Eric van der Burg constantemente ta menciona cu nos ta trata otro manera "vier gelijke zusters"? Mi ta laga e contesta habri pa pueblo mes yena esaki!



Noticiadi Corte

HOMBER CONDENA PA TIRA RIBA HENDE Y HASTA ASESINATO, ATROBE DILANTI HUES PA MENAZA CU MORTO Y POSESION DI ARMANAN DI CANDELA -1-

ORANJESTAD – E homber Zuriel Celaire (22), a presenta dilanti Hues pa e caso penal cu Ministerio Publico a cuminsa contra dje. E ta wordo acusa di menaza di morto y posesion di armanan di candela.

SOLO DI PUEBLO por a compronde cu Zuriel, na 2020, Hues a conden'e pa a forma parti di asalto arma cu violencia, pa a tira riba 4 hende dilanti di American Bar y pa tabata involvi den e asesinato di Sharury. E mester a haya tratamiento obligatorio na Hulanda y a bolbe Aruba na 2025.

ACUSACIONNAN SERIO

E acusacionnan cu Fiscal a presenta den Corte contra Zuriel ta: intento di maltrato, menaza cu morto y posesion di arma di candela den e periodo di 9 April 2025 y 27 September 2025.

Tambe e ta wordo acusa cu entre 9-10 April 2025 a choca e homber D. Lesire y dal cu arma na cabez. E mesun dia a menaza homber D. Lesire cu arma. Tambe a menaza un otro persona cu arma. Tambe cu riba 27 September 2025, el a menaza e ruman muher di Lesire via whatsapp y tambe e dama Angela.

MALTRATO Y MENAZA CU ARMA

Den sala di Corte tabata presente e mama Lesire y su yiu muher y un otro familiar. Hues a mostra cu segun e relato di Polis, dia 18 September 2025, Zuriel a bay Polis bisa cu nan a tira riba dje. Algun dia despues, Zuriel a bisa Polis cu el a haya sa cu ta e rumannan L. y D. Lesire a haci'e. Zuriel tambe a bisa Polis cu e tin record di a tira hende. Zuriel a bisa Hues cu tempo cu e tabata sera pa e casonan anterior, tabatin grupo den KIA cu el a haci daño, a cera cabez contra dje. Despues el a bay Hulanda. Algun luna despues cu el a bolbe na Februari – Maart 2025 Aruba, el a haya problema. El a bisa cu e tabata wordo persigui pa hendenan cu e no conoce. Na September 2025 el a wordo persigui

pa T. Lesire. Hues a bisa cu e rumannan Lesire a wordo deteni y den Corte nan a puntra pakico nan ta wordo castiga y Zuriel no. E rumannan Lesire a wordo condena na 6 aña di prison pa a tira riba Zuriel.

ZURIEL TA NENGA

Hues a bisa cu D. Lesire a bisa Polis cu Zuriel a mand'e un voice note cu e tin marihuana di calidad y pa nan topa banda di EPB San Nicolas. Na e lugar D. Lesire a bay den e auto caminda Zuriel tabata y un hende sinta patras den e auto, a maltrat'e cu un pistol y menace. E hende tabata dal'e cu e pistol na su cabez cada vez y Zuriel tabata bis'e, esaki ta pa bo ruman. Despues D. Lesire logra core bay. D. Lesire a bisa Polis cu un tal Zulu tambe tabata eynan. Segun Zuriel, tur esaki tabata un plan di nan contra dje. El a bisa cu e no tin ningun motibo pa haci algo asina. El a bisa Hues cu for ora el a bin for di Hulanda, e ta siguiendo guia di Reclasing. El a bisa Hues, e no a haci e hendenan aki nada. El a bisa cu e no conoce Zulu. Hues a mostra cu Zulu tambe a wordo interroga. Zulu a declara na Polis cu e tabata cerca D. Lesire, kende a bis'e cu e mester topa cu Zuriel na EPB. Nan a bay hunto den un Hyundai blanco. D. Lesire a baha bay den un otro auto. Despues D. Lesire a grita Zulu pero e no a sali. Zulu a bisa cu un homber cu mascara a sali for di e auto cu un pistol y dirigi esaki riba Zulu. Zulu a core bay. Despues D. Lesire a subi auto y core bay. Zulu a declara cu el a bay cas di D. Lesire y mira cu D. Lesire tabatin sla di pistol na cabez y cara. Hues a remarca na Zuriel, cu e no ta haya cu esaki ta un plan contra Zuriel.

Segun e relato di Polis, dos siman despues, e rumannan Lesire a para banda di e auto di Zuriel y Zuriel a bisa nan cu e no tin problema cu nan. Hues a mostra cu Zuriel a manda un voice note caminda e ta menaza e dama Lesire cu arma. Polis a puntr'e si e ta reconoce e stem. Segun Zuriel, e conoce e stem cu ta di un hende di caya pero e no por sigura esey. El a bisa Hues

cu e no kier tin problema. Hues a remarca cu si Zuriel a bisa e number di e homber, Polis lo por a haci investigacion. Awor ta Zuriel ta den problema. Segun Zuriel, e no ta e persona cu e manda e voice note.

POSESION DI ARMANAN DI CANDELA

Zuriel a bisa Hues cu e grupo aki tabatin intensionnan malo contra dje. El a bisa cu e sa esey pasobra antes e tabata asina. Hues a bisa cu Polis a detene Zuriel y den e celular a mira Zuriel cu armanan un AK15, un metrayador, y un pistol. Segun Zuriel el a bay riba Google y a mira e armanan y a copia nan. El a bisa Hues cu ta e mes a traha e potretnan cu e tin arma via un programa. Hues a mostra e potretnan den Corte na Zuriel, caminda ta mira Zuriel ta tene arma den man. Zuriel a pone e potretnan den su status. Segun Zuriel, el a haci asina pa laga esnan cu ta busca problema cun'e, mira cu e tin arma. Hues a bisa cu expertonan di arma a bisa cu e potretnan di arma ta real. Zuriel a bisa Hues cu si e haya un celular awor aki e lo haci'e y e ta mostra real. Pa loko ta e menazanan, Zuriel a bisa cu e no conoce e dama A. y no a manda menaza via celular.

Segun Zuriel, Lesire ta contento cu e ta sera den KIA. El a bisa cu el a scucha hopi cos. El a bisa Hues cu el a tende cu nan kier mat'e. El a bisa cu den KIA nan sa kico nan ta haciendo. VICTIMA DI MENAZA A HACI DEMANDA DI DAÑO

E dama Lesire a haci demanda di daño di 7 mil florin. Segun Lesire, e no ta sinti tranquil. El a bisa Hues cu e no conoce Zuriel. Zuriel tin problema cu su dos rumannan. E dama a bisa cu e tin miedo di sali y ta hopi traumatiza. Hues a puntra si Lesire ta hayando tratamento. El a bisa Hues cu el a bay dokter di cas pa haya psicologo pero e mes mester paga. E psicologo den sala di Corte a bisa Hues cu cita di psicologo ta entre 250 y 350 florin.

Oontinuacion pag.6

Lider di Fraccion AVP Jennifer Arends-Reyes: ARUBA TA SIGUI TRAHA RIBA PROGRESO, MODERNISACION Y COOPERACION DEN REINO



DEN HAAG (7 di juni 2026) – Durante e reciente reunionnan di Interparlementair Koninkrijksverleg (IPKO) na Hulanda, lider di fraccion di AVP y parlamentario Jennifer Arends-Reyes a dirigi palabra na nomber di delegacion di Aruba, enfatisando e progreso cu Aruba ta realisando y e importancia di sigui fortalece cooperacion dentro di Reino Hulandes.

Den su intervencion, Arends-Reyes a pone enfasis riba e diferente pasonan cu Aruba a tuma den añanan reciente pa fortalece su posicion financiero, promove desaroyo economico y modernisa su institucionnan. Segun e parlamentario, Aruba ta construyendo activamente un sociedad moderno, sostenibel y financieramente fuerte, basa riba responsabilidad y bon gobernacion. Como ehempel concreto di e

progreso logra, Arends-Reyes a menciona cu Aruba a cera año 2025 cu un surplus presupuestario di mas cu 135 milyon florin. Ademá, e debe publico a sigui baha y actualmente ta representa aproximadamente 56% di Producto Interno Bruto (GDP), un señal importante di recuperacion y disciplina financiero.

Sin embargo, Arends-Reyes a enfatisa cu no mester mira e cifra positivo aki como un fin den nan mes. “Stabilidad financiero no por keda limita na rapport y estadística. E mester wordo sinti den e bida diario di nos pueblo. E meta final semper mester ta miho calidad di bida pa tur ciudadano,” el a expresa.

Segun e lider di fraccion di AVP, precisamente pa motibo ey Aruba ta continua inverti den area cu tin impacto directo riba bienestar di comunidad. Den sector di educacion, Aruba ta implementa e Plan Educacion Nacional 2030, cu

e meta pa modernisa enseñansa, fortalece e conexion entre scol y mercado laboral, amplia habilidadnan digital y linguistico y sigui inverti den capacitacion di docente.

Na mes momento, Aruba ta traha pa fortalece e sistema di cuido prolonga, cu enfoke special riba anciano, persona cu discapacidad y famianan cu tin mester di sosten structural pa enfrenta e retonan social di futuro.

Arends-Reyes tambe a destaca inversionnan importante den infraestructura publico. Entre e prioridadnan tin mehoracion di camindanan, sistema di drenahe, iluminacion publico, seguridad den trafico y mantencion di edificionan gubernamental. Segun Arends-Reyes, infraestructura moderno y funcional ta un condicion esencial pa desaroyo economico y bienestar social.

Diversificacion economico ta sigui ocupa un puesto central den e vision di futuro pa Aruba. E parlamentario a indica cu e isla ta enfoca riba area manera energia renovabel, digitalisacion, industria creativo, economia circular, innovacion agricola y servicio profesional como motor pa crecimiento economico sostenibel.

Tambe durante su presentacion, Arends-Reyes a menciona e modernisacion di e Landsverordening Normering Topinkomens (LNT), un iniciativa cu busca promove mas transparencia, fortalece bon gobernacion y logra un sistema di remuneracion mas balansa den institucionnan publico.

“Nos kier un gobierno transparente, responsabel y eficiente. Modernisacion institucional ta un componente esencial pa mantene confianza di ciudadano y garantiza cu ta maneha recurso publico cu debido cuidou,” Arends-Reyes a indica.

Na final di su intervencion, e lider di fraccion di AVP a reafirma cu Aruba ta kere firmemente den un Reino basa riba cooperacion, confianza mutuo y respet reciproco.

“Nos no mester debilita otro, sino fortalece otro. Aruba ta scoge progreso, responsabilidad, modernisacion y bon gobernacion. Door di traha hunto cu respet pa autonomia di cada pais, nos por construi un Reino mas fuerte, mas moderno y cu mas oportunidad pa tur ciudadano,” Arends-Reyes a conclui.



HOMBER CONDENA PA TIRA RIBA HENDE Y HASTA ASESINATO, ATROBE DILANTI HUES PA MENAZA CU MORTO Y POSESION DI ARMANAN DI CANDELA -2-

ZURIEL NO KIER PSYCOLOGO HACI INVESTIGACION

Hues a bisa cu Zuriel tin un carchi di castigo y tabata TBS na Hulanda. Comienso 2025 el a bin bek Aruba. Segun Zuriel, danki na e coordinador na Hulanda, e no a haya e tratamento cu psicologo y psychiatrist di Aruba a prescribi. El a bisa cu el a haya terapia y sigui cursonan cu a yud'e. E ta haya cu el a siña hopi pa pensa bon y con pa anda cu hende. E ta haya cu na Hulanda nan a yud'e hopi bon. Ariba pregunta di Hues, con ta bay cu e adiccion, Zuriel a bisa cu awor e no ta huma marihuana. Hues a bisa cu awor a bolbe pidi pa raport di psicologo y psychiatrist pero Zuriel a nenga. Un psicologo cu tabata presente den sala di Corte a splica Hues cu Zuriel a sera pa papia. E psicologo a splica cu Zuriel ta papia si pero

no kier papia pa asina psicologo por evalua y suministra informacion na Fiscal. Zuriel a bisa cu e no ta confia e hendenan na Aruba.

ZURIEL MESTER BOLBE BAY HULANDA

E psicologo a bisa Hues, cu e chens ta grandi cu Zuriel ta cay atrope den e mesun cosnan cu e tabata haci. E empleado di Reclasing a muestra cu Zuriel tabata cumpli pero e ta haya cu mester sigui duna guia. Riba preguntanan di Fiscal por a conclui cu e empleado di Reclasing ta haya cu Zuriel mester sigui guia di psicologo. E psicologo a bisa Fiscal cu por papia hopi cos pero si Zuriel no tin e interes, ta mesun cos. E psicologo a bisa Fiscal cu e ta haya cu Zuriel mester bay TBS atrope na Hulanda.

POSPONE CASO PA MAS INVESTIGACION

Fiscal a pidi Hues pa pospone e caso pa Fiscal haya mas claridad pa cu e tratamento cu Zuriel mester haya. El a bisa cu e actitud di Zuriel cu e no kier coopera ta trece cune cu no por traha un plan con mester sigui cu Zuriel. E ta haya cu no tin suficiente informacion pa e por haci un exigencia. Fiscal a muestra cu e chens ta grandi cu Zuriel ta cay atrope den maldad. Fiscal a pidi Reclasing pa haci un investigacion riba ki alternativa lo por tin pa TBS o sea tratamiento obligatorio den un institucion.

Abogadonan a papia cu Zuriel y Zuriel a bay di acuerdo pa coopera pa papia cu Reclasing. Hues a pospone e caso pa 28 Augustus 2026. Ta asina cu Zuriel a pidi pa e bay serca su oma y opa. Hues a nenga e peticion. Hues a bisa cu e caso ta hopi serio y no por laga Zuriel liber.

FIESTA DI MITAR AÑA MARCA CU LOGONAN NA PLAYA LINDA

PALM BEACH – Empleado, gerencia y hunta di directiva di Playa Linda a bin hunto pa conmemora e mitar aña, manteniendo asina un tradicion anual cu ta honra y reconoce y logronan realisa pa medio un trabou di ekipo sobresaliente. Empleadonan a ricibi reconocimiento bon mereci pa nan contribucionnan diarioy, a cambio, a expresa nan sincero aprecio pa un gerencia y hunta di directiva cu a sa di sostene nan. Ta e partnership aki ta sigui haci e experiencia di Playa Linda Beach Resort berdaderamente excepcional pa tanto empleado como huespednan.

E sentido di un comunidad estrecho cu ta biba tur dia na e popular timeshare na Palm Beach, un biaha mas tabata evidente durante un anochi di cena, bailamento y alegria.

E mesun espirito di logro comparti tabata extendi na Presidente saliente di directiva Angela Guarino, kende su 17 aña di servicio y dedicacion a yuda garantisga mehoracion y inocon continuo di e marca di Playa Linda.

E cariño cu tur hende tin p'e tabata claramenta visible den un serie di gesto sincero yena cu aprecio. E hunta di directiva a regal'e un retrato pinta na man di artista local Hendrik

Schouten, mientras cu empleadonan i gerencia di Playa Linda a honr'e cu un cuadro di e resort firma pa tur empleado, hunto cu un plakaat formal pa conmemora su hubilacion. Ademas, e Hunta a anuncia cu e edificio di gimnasio y spa nobo cu ta planea pa Playa Linda, lo hiba e nomber di Angela M. Guarino Health & Fitness Center na su honor. Bou di su guia, Playa Linda a logra amplia tanto e categoria di suite como di su facilidadnan, incluyendo e plannan pa un centro di fitness hopi mehora.


Por lo general, e celebracion di mitar aña a proba di ta un evento exitoso, cu su sentido di celebracion



amplia pa e ritmo y musica di e popular banda Tsunami, y den mas ainda aumenta lasonan estrecho entre e ekipo talentoso di Playa Linda.

Den e potret di grupo: Angela Guarino (memey) flankea pa team di maneho ehecutivo di Playa Linda

Executive Management Team, GM Peter van Grinsven, Operations Director Sulaika Kelly, Financial Director Ann Brinkman y Executive Housekeeper Ingrid Todd, y coleganan miembro di hunta di directiva Michael Nowicki, Michael Storch y Gary Hofstetter.



CORSOU TA HABRI UN "BLUE WAVE VILLAGE" NA HOUSTON



Curaçao Tourist Board (CTB) lo habri un village special pa fanatico na Houston durante e campeonato mundial di futbol. E asina yama 'Blue Wave Village' lo sirbi como un luga di encuentro p'e fanaticonan di Corsou y otro amantenan di futbol durante locual lo t'e prome participacion historico di Corsou den un Copa Mundial.

Falta net 4 dia p'e gran fiesta di futbol mundial cuminsa.

Momento historico pa Corsou

Blue Wave Village lo habri cerca di e prome partido di Corsou contra Alemania, cu lo tuma luga dia 14 di juni 2026. P'e fanaticonan cu kier

sigui e partido aki online, esaki lo ta disponibel via e plataforma oficial di FIFA+ y via e canalnan di streaming di e canalnan local autorisa. Despues di e partido, e fanaticonan por bin hunto den e village pa celebra e participacion historico aki. E partido entre Hulanda y Hapon tambe lo wordo transmiti riba un pantaya grandi.

Ambiente local y fanaticada dividi na Aruba

Pa e fanaticonan local, ta bon pa keda pendiente pa e diferente establecimentonan na Aruba cu lo pasa e partidonan aki live riba nan pantayanan grandi. Tin varios luga na Aruba, sea restaurant grandi of chikito y hasta hotelnan, cu lo



concentra riba e transmisionnan di tanto Corsou como Hulanda.

Sinembargo, e atencion special p'e partido entre Corsou y Alemania lo trece un ambiente unico. Na Aruba tin hopi, pero hopi fanatico di Alemania, lo cual ta nifica cu e pasion y e apoyonan lo ta fuertemente dividi riba e isla e dia ey, creando un rivalidad sano y un ambiente interactivo den e luga di benta di cuminda y bebida.

Cultura y turismo den spotlight

Segun director di CTB, Muryad de Bruin, e iniciativa aki ta brinda un plataforma pa presenta e cultura, musica y gastronomia di Corsou na un publico internacional. Merca ta un di e mercadonan turistico mas importante pa Corsou y ta hunga un papel crucial den e strategia di promocion di e oficina di turismo.

E village di fanatico aki ta un extension di e concepto 'Blue Nation' cu a wordo lansa anteriormente pa trece atencion na e participacion di Corsou den e Mundial. Medionan di comunicacion internacional y influencers tambe ta invita pa bishita e evento.

Registracion ta obligatorio

Bishitantenan mester registra anticipadamente via e website di Curaçao Tourist Board. E registracion aki ta habri unicamente pa personanan cu a cumpri un ticket pa e partidonan via Federashon Futbol Korsou (FFK) of directamente via e federacion mundial di futbol FIFA.

Presidente di Comision di Asuntonan di Reino y Relacionnan Exterior: **REUNIONNAN TRIPARTITE TA FORTALECE COOPERACION Y VOZ COMUN DI E PAISNAN CARIBENSE DEN REINO**



DEN HAAG (7 di juni 2026) – Presidente di Comision di Asuntonan di Reino y Relacionnan Exterior y lider di fraccion di AVP, Jennifer Arends-Reyes, a participa recientemente den diferente reunion fructifero den cuadro di e Reunion Tripartite, hunto cu delegacionnan parlamentario di Corsou y Sint Maarten, un dia prome cu e reunionnan oficial di Interparlementair Koninkrijksoverleg (IPKO) na Hulanda.

Segun Arends-Reyes, e encuentro aki a brinda un oportunidad valioso pa intercambia punto di bista,

comparti experiencia y fortalece e cooperacion parlamentario entre e paisnan Caribense cu ta forma parti di Reino Hulandes. Durante e reunionnan, a aborda diferente tema di interes comun, incluyendo e relacionnan den Reino, e trayecto pa implementacion di un Geschillenregeling y e rol y experiencia di banco central y union monetario den e diferente paisnan.

Un tema cu a ocupa atencion special durante e reunionnan tabata e reciente voto den

Nacionnan Uni tocante e propuesta pa reconoce esclavitud y trata humano transatlantico como un di e crimennan mas grave contra humanidad. Segun Arends-Reyes, e delegacionnan di Aruba, Corsou y Sint Maarten a yega na un posicion comun tocante e abstencion di Reino Hulandes durante e votacion.

“Nos ta considera cu mester a discuti e topico aki previamente cu e paisnan Caribense den Reino. E historia di esclavitud y trata humano tin un significado profundo pa nos pueblonan y, p’esey, ta importante cu nos bos tambe wordo tende y considera den decisionnan di e caliber aki,” Arends-Reyes a expresa.

E delegacion di Aruba a enfatisa durante e reunionnan cu Aruba, Corsou y Sint Maarten tin hopi realidadnan, desafio y interesnan comun. P’esey, ta esencial pa

sigui uni forza y fortalece e colaboracion entre parlamentario nan pa asina defende interesnan comparti y crea un voz mas fuerte den discusionnan cu tin impacto riba futuro, autonomia y bienestar di e ciudadanonan di e tres paisnan.

Arends-Reyes a indica cu e Reunion Tripartite ta muchomascu un encuentro formal. Segun dj’e, e ta un plataforma importante pa construi confianza mutuo, profundisa dialogo politico y identifica area concreto di cooperacion. Door di comparti experiencia y bon practica, e paisnan por siña for di otro y apoya otro den proceso di modernisacion, fortalecimiento institucional y desaroyo sostenibel.

“Nos a confirma un biaha mas cu contacto directo entre parlamentario nan di Aruba, Corsou y Sint Maarten ta esencial. Aunke cada pais tin su propio identidad, autonomia y

realidad, tin suficiente interesnan comun pa sigui traha cu un vision comparti den beneficio di nos pueblonan,” Arends-Reyes a declara.

E delegacion di Aruba ta mira bek riba e reunionnan como altamente positivo y productivo y ta reafirma su compromiso pa continua participa activamente den e proceso di cooperacion tripartite.

“Nos lo sigui contribui activamente na fortalecimiento di e relacionnan dentro di Reino, promoviendo comprendemento mutuo y buscando solucionnan concreto pa e retonan cu nos paisnan ta enfrenta. Solamente door di cooperacion, respet y dialogo constructivo nos por construi un futuro mas stabiel, mas husto y mas prospero pa nos comunidadnan,” Arends-Reyes a conclui.

Minister Geoffrey Wever:

FORO DI PAGO NACIONAL CU TEMA “FINTECH” TA STIMULA INNOVACION, INCLUSION Y STABILIDAD FINANCIERO

Oranjestad, 5 di juni 2026 - Minister di Finansa, Asunto Economico y Sector Primario, mr. Geoffrey Wever, ta considera FinTech como un sector strategicamente primordial pa diversificacion economico, innovacion y crecimiento di Aruba. Minister Wever su vision ta pa posiciona Aruba pa bira un centro financiero digital regional, haciendo usodi su sector bancario robusto pa crea oportunidadnan di empleo nobo di nivel halto y mitiga riesgonan manera “brain drain”. E meta ta pa modernisa e sector financiero y pa ofrece servicionan mas eficiente, accesibel y facil pa usa pa henter e comunidad.

Pa por transforma e vision aki den un Plan di Implementacion di FinTech concreto, Minister Wever a encarga un studio exploratorio extenso door di e Comision Economico di Nacionnan Uni pa America Latino y Caribe (UNECLAC) na 2025. E investigacion a inclui misionnan di alto nivel pa acumula informacion y consultacionnan extenso cu stakeholdernan, marcando e ambiente regulatorio actual di Aruba y identificando oportunidadnan y riesgonan specifico. E estudio a compara e infraestructura di Aruba cu benchmarknan internacional, incluyendo paisnan di OECD y Small Island Developing States (SIDS), dunando un bista cla di e areanan cu mester mehora pa por crea un ecosistema di FinTech dinamico y robusto.

E resultadonan di e studio di UNECLAC ta sirbi como e base pa

desaroya e Plan di Implementacion di FinTech. E desaroyo di e plan di implementacion di FinTech ta parti tambe di ecolaboracion estrecho cu Hulanda via e Landspakket Aruba. Hulanda via e Landspakket Aruba lo financia e desaroyo di e Plan di Implementacion di FinTech. Actualmente tin un proceso di destaho publico andando.

Paralelo na e esfuersonan legislativo, Banco Central di Aruba (CBA) ta hungando un rol crucial den preparacion di e mercado local door di organiza e Foro di Pago Nacional (FPN) cu e tema FinTech. Estableci como un plataforma permanente di consulta, e FPN ta reuni stakeholdernan publico y priva — for di companianan di utilidad te cu e sector bancario — pa sigura cu e panorama di pago di Aruba ta sigur, confiabel y accesibel. Minister Wever a accentua cu promove inclusion financiero no ta solamente un meta social, sino un necesidad economico vital. Door di mehora comportamiento financiero y preveni debe excesivo, e iniciativanan aki ta fortalece e poder di compra di e comunidad y e salud financiero general di e nacion.

FinTech ta sirbi como un via pa relevancia global y diversificacion economico, teniendo cuenta cu recomendacionnan di UNECLAC, incluyendo e creacion di un sandbox regulatorio, Aruba ta creando e infraestructura necesario pa sectornan nobo impulsa pa tecnologia. Esaki ta resulta directamente den oportunidadnan di trabou nobo di



nivel halto pa e forsa laboral local, reduci dependencia riba un solo sector economico y construi un base firme pa futuro.

Mientras cu digitalisacion ta acelera, e CBA ta tuma un postura proactivo pa educa y dialoga cu partnernan di sector publico y sector priva pa cuminsa encamina e proceso pa implementacion di e tecnologia. Trahando hunto ta e unico maner pa logra haci e vision bira realidad.

Durante e ultimo Foro di Pago Nacional (FPN), organisa door di Banco Central di Aruba (CBA), cu a tuma luga dia 4 di juni 2026, e topico di e sesion di e Working Group meeting tabata “FinTechs na Aruba.” E sesion a inclui un discussion di panel cu panelistanan representando Sentoo, CxPay y Pay.aw, kendenan a elabora riba e rol di FinTechs den e ecosistema

di pago di Aruba. Ademas, CBA a brinda dos presentacion, titula “Kiko ta FinTech?” y “Ambiente Regulatorio di FinTech.” Adicionalmente, un representante di e Departamento di Asuntunan Economico, Comercio y Industria di Aruba a duna un presentacion titula “Landspakket - Plan di Implementacion di FinTech.” E mainta a conclui cu un discussion den grupo caminda e riesgonan, desafionan y recomendacionnan pa e crecimiento di e sector FinTech a wordo discuti cu tur stakeholdernan di e FPN.

“Door di e colaboracion continuo di e Working Group di FPN, Aruba ta riba bon caminda pa logra un infraestructura di pago di nivel internacional,” Minisyster Wever a comenta. Minister Geoffrey Wever ta gradici banco Central di Aruba pa organisa e Foro di Pago Nacional Working Group session.

Ayera 5 di juni, Dia Mundial di Medio Ambiente, Aruba a para keto pa reflexiona riba e importancia di proteha nos naturalesa y sigui inverti den un futuro mas berde, saludabel y resiliente pa generacionnan presente y futuro.

Den luna di augustus 2025, Prome Minister Mike Eman a bishita Bario Mabon como parti di su vision nacional di reforestacion. Durante e bishita, a planta un mata hunto cu habitantenan di e bario, simbolizando un compromiso comparti entre gobierno y comunidad pa cuida y

Dia Mundial di Medio Ambiente:

UN MATA, UN COMPROMISO, UN FUTURO MAS BERDE



embeyese nos isla.

E iniciativa aki ta forma parti di e meta ambicioso di Gobierno di Aruba pa planta 100.000 mata durante e prome cuatro añanan di gobernacion. Segun Prome Minister Mike Eman, e vision ta bay mucho mas leu cu simplemente planta mata. E ta trata di construi un Aruba mas berde, mas saludabel y cu mas resistencia contra e efectonan di cambio climatico y segura.

Awo, casi un año despues, e mata planta na Mabon ta para berde, fuerte y saludabel, combirtiendo su mes den un simbolo di loke por logra ora comunidad y gobierno traha hunto.

Mainwattie Persaud, habitante di Caya Butishi, a tuma riba dje e responsabilidad pa cuida e mata for di e prome dia planta.

“Desde e dia cu Mike Eman a bin planta e mata, mi a sigui muha e mata mainta y anochi. Tur dia mi

ta cuida e mata. Apesar di e segura cu Aruba ta pasando actualmente, e mata a crece bon y ta muestra saludabel,” asina Mainwattie a relata.

El a expresa tambe su speransa cu Prome Minister Eman, durante un futuro bishita na Mabon, por mira personalmente con e mata a crece grandi y fuerte.

Mainwattie a haci un yamada henter comunidad pa cuida e matanan den nan propio bario y entorno.

“Mi ta spera cu tur hende cuida e matanan den nan bario/comunidad, pasobra asina nos

por haci Aruba mas berde, mas bunita y mas agradabel pa tur hende. E matanan no solamente ta embeyese nos isla, pero tambe ta yuda nos medio ambiente,” el a expresa.

E historia di e mata den Mabon ta demuestra cu reforestacion no ta termina ora un mata wordo planta. E berdadero exito ta depende di e compromiso, dedicacion y amor cu comunidad ta muestra posteriormente pa mantene e matanan bibo y saludabel.

Dia Mundial di Medio Ambiente ta sirbi como un recordatorio cu cada mata planta awe ta un inversion

den e Aruba di mañan. Gobierno di Aruba ta sigui comprometi cu e programa di reforestacion y cu e vision di crea paso pa paso un isla mas berde y sostenibel.

Comision di Desaroyo y Bienestar di Bario Mabon a expresa su sincero gradicimento na Mainwattie Persaud pa e dedicacion y compromiso cu el a muestra durante e ultimo 11 luna den cuido di e mata planta na Mabon. Segun e comision, su esfuerzo diario ta un ehempel inspirador di con ciudadano y comunidad por contribui activamente na un Aruba mas berde y cu miho calidad di bida.

“Hunto nos ta planta awe, pa Aruba florece mañan.”



Den Juan 18:37, ta para scirbi, Hesus ta bisa, Mi a nace, y pa esaki Mi a bin den mundo, pa duna testimonio di e berdad. Tur esnan cu ta di e berdad ta tendi Mi bos.

Den Juan 8:37 ta para scirbi: Y boso lo conoce e berdad, y berdad lo haci boso liber.

Tur hende mester sa kico berdad por haci;

Berdad ta trece seguridad den un pais.

Berdad ta trece seguridad den un matrimonio.

Berdad ta trece seguridad den educacion.

Berdad ta trece seguridad den iglesia.

Berdad ta trece seguridad den un Famia.

Aunke berdad ta haci dolor, berdad semper lo prevalece, pasobra berdad ta haci consenshi di hende limpi y liber, y ta kita tur chens di wordo acusa door di e enemigo.

Hende por papia di bo pasado, pero nan por para bo progreso ora bo ta papia e berdad, y biba cu e berdad.

Berdad semper lo keda pica wowo di esnan cu ta mentiroso y semper lo keda causa diarrea pa esnan cu kier sconde e berdad, pasobra berdad ta bini di Dios.

No laga ningun hende lubida cu e prome pica cu a sali aki na mundo a bini door di mentira, bisando hende cu nan lo bira igual cu Dios, y e diabel sa cu esey no ta posibel, pasobra e mes a kere esey, y a faya.

No tin ningun trabao na mundo cu ta obliga hende ganja of cambia palabra pasobra mentira ta temporal, mesun mentira cu awe ta halsa bo, mayan ta laga bo cay duro ora tur hende mester sa e berdad.

Tur locual hende mester ganja pa yega na dje un dia lo trece berguensa, pasobra mentira ta un gran berguensa.

Laga nos educa nos yuinan den e berdad, no solamente e berdad di e Palabra di Dios, pero e berdad den nos bida social, pasobra pa Dios, mentira ta keda mentira

y mentira ta pica, y pica ta hiba na condenacion. Y caminda tin mentira no tin confiansa.

Lipnan cu ta papia berdad lo ta stableci pa semper, ma un lenga mentiroso ta pa un tempo so. (Proverbionan 12:19).

Cuanto sistema no tin awendia pa ganja hende y saca probecho, y cuanto biaha hende no ta wordo avisa, pero toch nan ta sigi pretende, sabiendo masha bon cu nan ta den un mentira.

Esun cu ta cana den rectitud, ta cana confiadamente, ma esun cu perverti su caminda lo wordo descubri. (Proverbionan 10:9).

Lipnan mentiroso ta un abominacion pa Senyor, ma esun cu ta trata cu fieldad ta Su delicia. (Proverbionan 12:19).

E muchanan di awendia, mester sa e berdad y ta deber di tur mayor pa bisa nan e berdad, cu ta e mesun cara di awe, ta e cara cu lo bo tin di presenta mayan, cu no ta bale la pena destrui bo mes apariencia cu droga, alcohol y paranda, pasobra mayan tur e cosnan aki por stroba bo di avansa den bida.

Hopi hoben nan apariencia ta muestra bieu door di uso di droga y alcohol y perdida di sonjo, falta di descanso, y tur e cosnan ey ta traha poco poco riba bo salud mental.

FORTALEZA PA FAMILIA Scirbi pa Pastor Marcel Balootje.

PAPIA BERDAD TA TRECE LIBERTAD Y BENDICION

Evita mentira, evita pleito, evita hacimento di redo y evita violencia, tur esaki por wordo evita ora e berdad wordo papia, y reconoce cu bo tin fout, y pidi dispensa, y asina demostra educacion berdadero.

Caminda tin mentira tur hende ta wordo perhudica, tanto esun cu ta papia e mentira como esun cu ta wordo engaña.

Berdad ta bini di Dios, mentira ta wordo apoya pa diabel e tata di mentira.

Biba cu e berdad,

Sinceramente, Pastor Marcel

Balootje.



Clasificados

SOLODIPUEBLO@GMAIL.COM
CEL. 585 9500

Oracion Di Dia

Un feliz dia yena di hopi fe y speransa den nos bon Dios

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)


E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balar pa cu Dios. Pero anos a sigui conta nos yuinan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yuinan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. "...pa nan tambe confia den SEÑOR, no lubida Dios su obranan grandi..." (Sal 78, 7)

Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.
Amen.



2026 WORLD CUP SCHEDULE




GROUP A	GROUP D	GROUP G	GROUP J	GROUP K	GROUP L	GROUP C
June 11, 3:00 pm Mexico South Africa Czechia Mexico Czechia South Africa	June 12, 7:00 pm USA Australia Türkiye USA Türkiye Paraguay	June 13, 8:00 pm Iran Belgium Belgium New Zealand Egypt New Zealand	June 16, 8:00 pm Argentina Austria Argentina Jordan Austria Argentina	June 17, 1:00 pm Portugal Uzbekistan Portugal Colombia Colombia Congo DR	June 17, 7:00 pm Panama England England Panama Panama Croatia	June 13, 9:00 pm Haiti Brazil Brazil Scotland Scotland Morocco Haiti
Estadio Azteca, Mexico City Estadio Akron, Guadalajara, Mexico Mercedes-Benz Stadium, Atlanta Estadio Akron, Guadalajara, Mexico Estadio Akron, Guadalajara, Mexico Estadio BBVA, Monterrey, Mexico	Estadio Azteca, Mexico City Estadio Akron, Guadalajara, Mexico Mercedes-Benz Stadium, Atlanta Estadio Akron, Guadalajara, Mexico Estadio Akron, Guadalajara, Mexico Estadio BBVA, Monterrey, Mexico	Self Stadium, Los Angeles, USA BC Place Vancouver, Canada Self Stadium, Los Angeles, USA Lumen Field, Seattle, USA Self Stadium, Los Angeles, USA BC Place Vancouver, Canada	Self Stadium, Los Angeles, USA Lumen Field, Seattle, USA Self Stadium, Los Angeles, USA BC Place Vancouver, Canada Lumen Field, Seattle, USA BC Place Vancouver, Canada	AT&T Stadium, Dallas, USA Lumen Field, Seattle, USA Self Stadium, Los Angeles, USA Lumen Field, Seattle, USA Self Stadium, Los Angeles, USA BC Place Vancouver, Canada	AT&T Stadium, Dallas, USA Lumen Field, Seattle, USA Self Stadium, Los Angeles, USA Lumen Field, Seattle, USA Self Stadium, Los Angeles, USA BC Place Vancouver, Canada	Gallien Stadium, Boston, USA MetLife Stadium New York/New Jersey MetLife Stadium New York/New Jersey MetLife Stadium New York/New Jersey MetLife Stadium New York/New Jersey MetLife Stadium New York/New Jersey MetLife Stadium New York/New Jersey
GROUP B	GROUP E	GROUP H	GROUP I	GROUP M	GROUP N	GROUP F
June 12, 3:00 pm Canada Qatar Switzerland Canada Switzerland Qatar	June 14, 2:00 pm Ivory Coast Germany Germany Ecuador Curaçao Ivory Coast Ecuador	June 15, 6:00 pm Saudi Arabia Spain Uruguay Spain Cape Verde Uruguay	June 16, 6:00 pm France Iraq Norway France Norway France	June 17, 10:00 pm Colombia Uzbekistan Portugal Colombia Colombia Congo DR	June 17, 3:00 pm Scotland Morocco Haiti Scotland Scotland Morocco Haiti	June 14, 4:00 pm Netherlands Sweden Netherlands Tunisia Japan Sweden Tunisia
BMW Field, Toronto, Canada Bosnia-Herzegovina Lionel's Stadium, San Francisco, USA Self Stadium, Los Angeles, USA Self Stadium, Los Angeles, USA BC Place Vancouver, Canada	Lionel's Stadium, San Francisco, USA BMW Field, Toronto, Canada Armed Forces Stadium, Kansas City Lionel's Stadium, San Francisco, USA MetLife Stadium New York/New Jersey MetLife Stadium New York/New Jersey	Hard Rock Stadium, Miami, USA Marriotts Boco Stadium, Atlanta, USA Hard Rock Stadium, Miami, USA Marriotts Boco Stadium, Atlanta, USA Hard Rock Stadium, Miami, USA Marriotts Boco Stadium, Atlanta, USA	MetLife Stadium New York/New Jersey Gallien Stadium, Boston, USA MetLife Stadium New York/New Jersey Lionel's Stadium, San Francisco, USA Gallien Stadium, Boston, USA BMW Field, Toronto, Canada	MetLife Stadium, Houston, USA Estadio Akron, Guadalajara, Mexico MetLife Stadium, Houston, USA Estadio Akron, Guadalajara, Mexico MetLife Stadium, Houston, USA Estadio Akron, Guadalajara, Mexico	MetLife Stadium, Houston, USA Estadio Akron, Guadalajara, Mexico MetLife Stadium, Houston, USA Estadio Akron, Guadalajara, Mexico MetLife Stadium, Houston, USA Estadio Akron, Guadalajara, Mexico	AT&T Stadium, Dallas, USA Estadio BBVA, Monterrey, Mexico BMW Field, Toronto, Canada MetLife Stadium New York/New Jersey MetLife Stadium New York/New Jersey MetLife Stadium New York/New Jersey MetLife Stadium New York/New Jersey

2026 WORLD CUP

ARUBA TA CLA PA


FIFA WORLD CUP 2026



PROME MINISTER MIKE EMAN A RICIBI BALA OFICIAL DI MUNDIAL 2026 FOR DI TELEARUBA



Diabierna mainta, den sala di Consejo di Minister na Bestuurskantoor, director di Telearuba, Giovanni Kock, a entrega e bala oficial di FIFA World Cup 2026 na Prome Minister mr. Mike Eman, presente tambe tabata Minister mr. Geoffrey Wever. E encuentro a marca e conteo final p'e campeonato mundial di futbol, cu lo cuminsa otro siman y cu lo por sigui na Aruba pa medio di Telearuba, e canal oficial di mundial di futbol. Durante e encuentro, Giovanni Kock a comparti cu Telearuba ta trahando intensamente hunto cu su team di varios profesional pa garantisa e cobertura



di un bon calidad pa tur televidente na Aruba. El a enfatisa cu Telearuba ta e unico canal di television cu tin e derechonan oficial pa transmiti tur e weganan di FIFA World Cup 2026 na Aruba.

Prome Minister
Mike Eman a

felicita

Telearuba p'e gran esfuerzo cu nos planta nacional di television ta haci pa pone e campeonato accesibel pa henter nos pueblo. Segun e mandatario, Mundial ta mucho mas cu un evento deportivo. "Futbol ta forma parti di nos cultura. Ta un momento den cual nos comunidad ta uni, famia y amigo ta celebra hunto y unda e lasonan ta fortalece.

Pa Aruba y awor specialmente nos isla ruman Corsou, Mundial semper ta un ocasion pa celebra e deporte rey. Manera cu Carnaval, futbol ta un di e momentonan unda nos ta mira hopi harmonia y fraternidad den nos comunidad," Prome Minister Eman a expresa.

E mandatario a destaca tambe su aprecio p'e inversion cu Telearuba hunto cu SETAR y otro sponsor ta haci pa mantene e transmisionnan disponibel pa pueblo di Aruba, a pesar cu e costo di e derechonan di transmision internacional ta aumentando constantemente. "Ta algo hopi special ora cu nos por sigui e partidonan pa medio di nos propio canal di television, cu nos propio locutornan analistanan cu ta ofrece contenido den nos lenga materno pa nos comunidad. Esaki ta haci e experiencia ainda mas cerca y mas significativa pa pueblo di Aruba," el a comenta.

Prome Minister Eman a gradici tambe tur e comerciantenan y sponsor cu ta sostene e cobertura di Mundial, señalando cu nan apoyo ta esencial pa haci posibel cu e campeonato por yega na cas di miles di televidente Arubiano. Cu e FIFA World Cup 2026 acercando, Aruba ta preparando pa un periodo di emocion y celebracion, unda e fanaticonan di futbol lo reuni rond di un solo pasion; esta e deporte di futbol.





PROME TAYER DI SALUD MENTAL CU ATLETANAN UN EXITO ROTUNDO



Awe mainta na Universidad di Aruba a tene e prome di dos tayer di salud mental organisa door di e "Aruba Athletes' Commission" (AAC). Pa e prome sesion di dia mester bisa cu a encontra un sala completamente yen cu atleta di tur edad, indicando e gran interes den e topico den e mundo di deporte.

Pa e tayernan di awe a conta cu presentacion di Dr. Shakiba Moghadam di Inglatera, cu ademá di tin experiencia como atleta di rendimiento di boxeo, ta conta cu hopi

experiencia di traha cu atletanan profesional y Olimpico como psicologo.

Durante un sesion hopi interactivo di dos ora, a mira cu a logra intercambia hopi cu e atletanan, hibando un combersacion hopi informativo.

Comite Olimpico Arubano (COA) ta contento pa mira cu e tayer aki a haya un gran acogida cu bon participacion.

COA hunto cu AAC lo percura pa sigui duna e tayernan aki pa asina yega na tur nos atletanan local.



 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - June 07, 2026		
CATACHI	LOTTO 5	
Sorteo # 4997	Sorteo #	Joker Letter
7135	0 x Jackpot	Proximo Jackpot
8817	0 x Match 4+	450.000,-
6068	0 x Match 4	
	0 x Afli. 12.00	
MULTI X	LOTTO DIA	
X2	13-15-21-23-24	
BIG 4	Sorteo # 7203	Proximo Jackpot
Sorteo # 4997	0 x Jackpot	87.000,-
2288	7 x Match 4	
	141 x Afli 8.00	
MULTI X		
X2		
DFF		
Sorteo # 3053		
0151		
ZODIAC	MEGA	
Sorteo # 4997	Sorteo #	Mega Ball
7580	0 x Jackpot	Proximo Jackpot
Leo	0 x match 4	310.000,-
	0 x Afli. 500.00	
	0 x Afli 50.00	
	0 x Afli 15.00	
LUCKY 3	MEGA	Afl. 410.000,-
Sorteo # 1871		
175		
MULTI X	KORSOU	
X5	Sorteo #	

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - June 07, 2026		
CATACHI	LOTTO 5	
Sorteo # 8866	Sorteo # 2703	Joker 18 Letter H
3927	0 x Jackpot	Proximo Jackpot
1992	1 x Match 4+	450.000,-
3815	6 x Match 4	
	260 x Afli. 12.00	
MULTI X	LOTTO DIA	
X2	04-14-20-23-28	
BIG 4	Sorteo # 7202	Proximo Jackpot
Sorteo # 7910	0 x Jackpot	80.000,-
3026	6 x Match 4	
	168 x Afli 8.00	
MULTI X		
FP		
DFF		
Sorteo # 2615		
5389		
ZODIAC	MEGA	
Sorteo # 6669	Sorteo #	mega ball
9261	0 x Jackpot	Proximo Jackpot
Geminis	0 x match 4	310.000,-
	0 x Afli. 500.00	
	0 x Afli 50.00	
	0 x Afli 15.00	
LUCKY 3	MEGA	Afl 410.000,-
Sorteo # 1599		
348		
MULTI X	KORSOU	
X2	Sorteo #	

"The Lord is my shepherd; I shall not want. He makes me lie down in green pastures; He leads me beside the still waters. He restores my soul; He leads me in the paths of righteousness For His name's sake. Psalm 23
We hereby announce the passing of our beloved Aunt, Teacher, Friend and "comadre"

Veronica Elaine Paul

better known as "Juffrouw Paul, Caatje or Oehoe"

*23 September 1932 - †02 June 2026

She joins her twin brothers Sylvan (Chikito) and Sylvester (Grandi) Paul, who have gone before her.

She is survived by her great-nephew, Eric (Ricky) Johnson, who is like a son, and the mother of his children Juliana Arrindell.



Her nieces and nephews:

Vaughn Patterson
Bert Patterson
Arlette Paul
Sylvan Paul Jr.
Fabian Paul
Benson & Cecilia Paul
Egla Paul
Cyria Paul & Gino Wever
Nigel Paul
Sharon Figaroa-Paul & Aldrick Figaroa

Special great niece: Geraldine (Jerry) Beeldsnijder-Johnson & Remiel Beeldsnijder and her children: Nathan Parum & children Gian, Levi and Toni Johnson
She also leaves behind many great nieces & great-nephews:

Derrick & Donny Johnson
Alfonso Berkel
Sylvan III (Chuncky), Reigna & Romei Paul
Joshua, Julian & Jonathan Johnson
Britney Paul
Nachandy Johnson
Shomahry Johnson
Nquan Johnson & Abdul Dastagir
Daniel Wever
Timothy Wever
Jaedon Paul
Izayah Figaroa
Laevi Figaroa
Candace Gumbs
and others in Trinidad, U.S.A. and Grenada
Godson: Nestor & Carluda Poulina

Veronica was related to and/ or friends with:

Poulina, Patterson, Bell, Vrutal, Van Blarcum, Dandare, Flemming, Leerdam, Illidge, Johnson, Figaroa, Zuylen, Evertsz, Wever, Arrindell, Wells, Thompson, Schel, Carty.

Her neighbors and close friends: Altagracia Murray, Emily Illidge & family, the Flemming family, Ronald Carty & family.

Special friends: Marlene van Blarcum, Ine van der Hilst, Gala Poulina, Crusita Schel, Leny (in Venray, The Netherlands)

Special thanks

A special thank you goes to the prayer group Comunidad Carmelita Sta. Theresita di Niño who came to her home to faithfully pray and sing with her when she could no longer attend church.

Special thanks go to her housekeepers Lynette & Fabiola, who made sure the house was always spick and span.

Our heartfelt thanks go to her caretakers: Judith, Nora, Maria, Pamela, Lizeth, Mirian, Delfine, Fabiola, Zoila, who made sure she never slept alone in the past six years and cared for her lovingly. Special thanks to her hairdresser Aichel Aniceta who would always do her hair with love.

We would also like to thank all medical staff at IMSAN, especially the Wonden Poli and also the nurses from the Witgele Kruis.

The wake will be held on Tuesday, 09 June 2026 at Olive Tree Funeral Care & Crematory in San Nicolas from 7:00pm – 9:00pm.

The Funeral service will take place on Wednesday, 10 June 2026 in the Santa Theresita Church in San Nicolas from 2:00pm – 4:00pm.

The viewing will be from 2:00pm – 3:30pm followed by the church service from 3:30pm – 4:00pm.

Veronica will be laid to rest in the cemetery of Sabana Basora.
If we have forgotten anybody in our grief, please forgive us.

No condolences at home after the funeral.

Monumentenfonds Aruba ta celebra 30 aniversario cu enfoke riba futuro di Iglesia Comunitario



Stichting Monumentenfonds Aruba a conmemora su 30 aniversario durante un ceremonia special na Iglesia Comunitario, unda enfoke principal tabata riba preservacion di patrimonio historico y e futuro restauracion di un di e monumentonan mas reconocibel di Aruba.

Durante e anochi, representantenan di Gobierno di Aruba, Monumentenfonds Aruba, Comunidad Protestant y Fundacion Iglesia Comunitario a reuni pa marca oficialmente e siguiente fase den e trayecto preliminar relaciona cu futuro desaroyo y preservacion di Iglesia Comunitario.

Un firma simbolico! Conforme cu e aclaracionnan huridico brinda posteriormente, e documentacion firma durante e ceremonia ta forma parti di un proceso preliminar administrativo y no ta representa ainda un traspaso formal finalisa. E proceso legal y registracion oficial di documentonan lo sigui den e siguiente fase administrativo.

Entre e representantenan presente tabata Prome Minister Mike Eman, Minister di Infraestructura Rene Herd , miembro di directiva di Monumentenfonds Aruba, representantenan di Comunidad Protestant y directiva di Fundacion Iglesia Comunitario. Un parti importante di e programa tabata e presentacion

di directora saliente Anne Witsenburg, kende a comparti e vision di restauracion pa Iglesia Comunitario y a enfatisa e necesidad urgente di tuma accion pa evita deterioro adicional di e edificio historico. Segun Witsenburg, e proyecto di restauracion lo ta desaroya den cuatro fase. E prome fase ta enfoca riba trabounan urgente manera reparacion di dak y solucion di problema structural. Otro fasenan ta inclui mehoracion di facilidatnan, restauracion di espacio exterior y finalmente restauracion completo di Iglesia Comunitario. Durante e celebracion tambe a anuncia cu firma di arquitectura Archiosa Architects lo desaroya e dise o completo pa restauracion di e compleho sin costo, como un contribucion na preservacion di patrimonio nacional.

E ceremonia a sirbi tambe como un momento di reconocimiento pa trabou cu Monumentenfonds Aruba a realisa durante e ultimo 30 a a den preservacion di monumentonan y edificionan historico riba Aruba.

Den su mensahe, Prome Minister Mike Eman a enfatisa cu conservacion di patrimonio historico ta esencial pa mantene identidad y memoria colectivo di pueblo Arubiano.

“Den un mundo cu ta cambiando rapidamente, monumentonan ta yuda nos corda ken nos ta y di unda nos ta bin,” asina Eman a



expresa. Segun e Prome Minister, preservacion di monumentonan no ta solamente trata di conserva piedra y edificio, pero tambe di proteha e historia, experiencia y baloronan cu a forma Aruba y su comunidad durante generacionnan. Na final di e anochi,

Monumentenfonds Aruba a expresa gradicimento na comunidad, partnernan y boluntarionan cu durante tres decada a contribui na preservacion di herencia cultural di Aruba, reafirmando su compromiso pa sigui proteha patrimonio nacional pa futuro generacion.